



Jordan akcija iz Sarajeva

29. april 2026. - 6. maj 2026.

8 dana - 7 noći

“ Iskoristite **Jordan akciju** i pođite sa nama u obećanu zemlju na Bliskom Istoku. Jordan je pustinjska zemlja bez nafte, ali zemlja u kojoj se nalazi najnevjerojatnije čudo antičkog svijeta koje ćete imati priliku da vidite, a to je jedinstvena Petra, grad u kamenu.

Glavni grad Jordana je Aman, a zemlju naseljava nešto više od 5 miliona stanovnika. Čuveni Lorens od Arabije predvodio je **arapsko stanovništvo** u velikim bitkama protiv Otomanske imperije.

Nećemo propustiti priliku da vas povedemo i u nestvarnu Wadi Rum pustinju, koju zovu „Dolina Mjeseca“ i koja će vam zauvijek ostati u pamćenju.

Izaberite neki od **aranžmana** za Jordan, jedinu zemlju na ovom području koja nema naftu. Veliki broj historijskih mjesta nalaze se ovdje, među kojima su i gradovi poput Sodome i Gomore. I zapamtite, ako Vas neko ponudi obrokom, ljubazno odbijte prva tri puta a onda srdačno prihvatite.

Obilasci uključeni u cijenu aranžmana: 1. Lokalni obilazak, 2. Obilazak Amana, 3. Obilazak džamije Kralja Abdulaha, 4. Obilazak Citadele, 5. Obilazak Rimskog teatra, 6. Obilazak planine Nebo, 7. Obilazak Mrtvog mora, 8. Obilazak Akabe, 9. Obilazak bazara u Akabi.

”



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Sastanak grupe na aerodromu i polazak

Okupljanje na međunarodnom aerodromu u Sarajevu dva sata prije leta. Priče o egzotičnom krajevima i smješkanje dok čekate na let. Let iz Sarajeva za Istanbul u jutarnjim satima. Konekcija na let za Amman, dolazak u Jordan u poslijepodnevnom satima. Transfer do smještaja i slobodno vrijeme za upoznavanje sa gradom. **Noćenje.**

Prevoz

Avionska karta sa svim taksama na relaciji Sarajevo - Istanbul - Amman, u ekonomskoj klasi sa presjedanjem
Transfer od aerodroma do smještaja

Mesto

Sarajevo, Istanbul, Amman

Dan 2: Obilazak Amman City Tour

Idemo u obilazak grada Amman. Amman, glavni grad Kraljevine Jordan. U gradu živi nešto više od 4 miliona stanovnika i smatraju ga najliberalnijim gradom u arapskom svijetu. Broj turista je i dalje mali ali u posljednjim godinama se povećava. Bogato nasljeđe i duh istoka sve više privlače pažnju putnika širom svijeta. Grad koji je stvoren za istraživanje i uživanje u čarima Istoka. Obilazimo čuvenu Citadelu, smještenu na jednom od sedam brda Amana sa koje se pruža nevjerovatan pogled na sam grad. Obilazimo hramove, muzej, Omayyad palatu i brojne druge lokalitete. Izlet nastavljamo vožnjom do čuvenog Rimskog Teatra u samom srcu grada pa nas ovaj dan nekako šeta između Rima i Akropolja dok koračate sokacima pustinjskog grada Istoka. Upoznavanje sa ulicama glavnog grada Jordana nastavljamo vožnjom i posjetom džamiji Kralja Abdulaha, pa sve do povratka u "Novi Aman" i šetnju čuvenom ulicom duge "Rainbow Street". Nezaboravno iskustvo! Povratak u hotel. Slobodno vrijeme! **Noćenje u Ammanu.**

Smeštaj

Amman Hotel (1 noć)

Mesto

Amman

Hrana

Doručak × 1

Dan 3: Planina Nebo, Mrtvo more i putovanje za Petru

U jutarnjim satima napuštamo smještaj i polazimo za Petru. Usputno stajanje i obilazak Planine Nebo, mjesto odakle je prvi put Mojsije vidio Obećanu Zemlju. Nastavak putovanja i obilazak Mrtvog mora, najneobičnijeg na svijetu, jezera koje godinama privlači hiljade turista i cijelog sveta. Aristotel je pisao o izvanrednim svojstvima njegove vode, a egipatska kraljica Kleopatra ga je dobila na poklon od Marka Antonija. Dubinom od 416m ispod nivoa mora, predstavlja najnižu tačku na zemlji. Koncentracija soli u vodi je najviša na svijetu oko 30%, skoro osam puta više od saliniteta ostalih mora i okeana. **Noćenje u Petri.**

Smeštaj

Wadi Musa Hotel (1 noć)

Mesto

Wadi Musa

Hrana

Doručak × 1

Dan 4: Fakultativni izlet - Petra

Fakultativni dvodnevni izlet u Petru. Obilazak grada u stijeni, kraljevskih grobnica i riznica u pećinama. Prolazak kroz kanjon Sik, brojna pećinska svetišta, pozorište, slavne grobnice kraljevske porodice, isklesane u stijeni... Danas je na listi Unesco kulturne baštine i privlači putnike iz svih dijelova svijeta. **Noćenje u Petri.**

Smeštaj

Wadi Musa Hotel (1 noć)

Mesto

Wadi Musa

Hrana

Doručak × 1

Fakultativni izleti

Fakultativni dvodnevni izlet u Petru



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 5: Fakultativni izlet - Wadi Rum

Nastavak fakultativnog izleta - obilaska Petre i uživanje u čarima Bliskog Istoka. Transfer od Petre do Wadi Rum-a. Fakultativni izlet u Wadi Rum pustinju, skoro pa netaknutu od strane ljudske ruke. Uživamo u nestvarnim predjelima pješćane i kamene pustinje, pješačimo, jašemo kamile... **Noćenje u Wadi Rum-u.**

Smeštaj

Wadi Rum Hotel (1 noć)

Mesto

Wadi Rum

Hrana

Doručak × 1

Fakultativni izleti

Fakultativni dvodnevni izlet u Wadi Rum pustinju

Dan 6: Transfer do Aqaba-e i fakultativni izlet Aqaba krstarenje

Nakon izlaska Sunca u pustinji ispijamo čaj i krećemo ka Aqabi. Fakultativni izlet Aqaba kruzing- dvosatno krstarenje zaljevom Crvenog mora između Jordana, Izraela, Egipta i Saudijske Arabije. Posjećujemo prvi podvodni vojni muzej, gdje se nalaze potpljeni brodovi, tenk i dvije letjelice. Ručamo na brodu. Slobodno vrijeme. **Noćenje u Aqabi.**

Smeštaj

Aqaba Hotel (1 noć)

Mesto

Aqaba

Hrana

Doručak × 1

Fakultativni izleti

Fakultativni izlet Akaba krstarenje

Dan 7: Napuštanje hotela u Aqabi i povratak za Amman

Doručak. Napuštanje hotela u Aqabi i transfer do Ammana. Slobodan dan u Ammanu za kupovinu suvenira i još ućivanja u ovom magičnom gradu **Noćenje u Ammanu.**

Prevoz

Transfer autobusom od Aqabe do Ammana

Smeštaj

Amman Hotel (1 noć)

Mesto

Aqaba , Amman

Hrana

Doručak × 1

Dan 8: Napuštanje smještaja i let za Sarajevo

Napuštanje smještaja i slobodno vrijeme do polaska na aerodrom. Polazak za Istanbul u jutarnjim satima. Dolazak u Istanbul u popodnevним satima, konekcija na let za Sarajevo. Dolazak u Sarajevo u večernjim satima. **Kraj putovanja!**

Prevoz

Transfer od smještaja do aerodroma

Avionska karta sa svim taksama na relaciji Amman - Istanbul - Sarajevo, u ekonomskoj klasi sa presjedanjem

Mesto

Istanbul, Sarajevo

Cene i uslovi

Šta je uključeno

Regularna cena
3.090,00 BAM

Promo cijena
Vrijedi za **prve prijave!**
2.290,00 BAM

Nije uključeno

- Međunarodno zdravstveno osiguranje (može se uzeti u agenciji)



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

- Individualne troškove nastale za vrijeme trajanja aranžmana
- Fakultativne izlete i ulaznice za kulturno historijske spomenike
- Viza za Jordan

Uslovi plaćanja: Cijene aranžmana objavljene na web stranici izražene su sa uračunatim popustom i vrijede za plaćanje gotovinom u poslovnicu ili uplatu na transakcijski račun agencije.

Prilikom prijavljivanja plaća se avans u iznosu od 600 KM, a ostatak sume plaća se u agenciji ili putem banke najkasnije 30 dana pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Za kartično plaćanje primjenjuju se regularne cijene aranžmana, bez mogućnosti ostvarivanja popusta za gotovinsko plaćanje i vrijedi za sva putovanja ukoliko putnik aranžman plaća u poslovnicu karticom - jednokratno ili shopping karticom na rate.

Prijavljivanje: Preporučujemo ranije prijave jer je broj mesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mesec dana pred put. Ukoliko putnici ne dostave dokumenta za vize u navedenom roku, dužni su da sami obezbede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Fakultativni dvodnevni izlet u Petru

Cijena: **115,00** EUR

Smještena između Crvenog i Mrtvog mora i naseljena od prahistorijskih vremena sve do 7. vijeka; glavni grad Nabatejaca u izrezbaren u stijeni; u vrijeme helenističkog i rimskog doba, postao je glavni karavan centar za tamjan Arabije, svilu iz Kine i začine Indije; raskrsnice između Arabije, Egipta i Sirije. Petra je poluizgrađena, polu izrezbarena u kamenu, a okružena je planinama prožetim prolazima i klisurama. Genijalan sistem upravljanja vodama omogućio je ekstenzivno riješavanje suštinski sušnog područja tokom vladavine Nabatejaca, Rima i Vizantijskog perioda. To je jedna od najbogatijih i najvećih arheoloških nalazišta na svijetu postavljena u dominantnom pejzažu pješčara. Izvanredna univerzalna vrijednost Petre nalazi se u arhitekturi grobnica i hramova; ostatcima kanala, tunela i brana za preusmjeravanje vode koje su se kombinovale sa ogromnom mrežom cisterni i rezervoara koji su sakupljali sezonske kiše; kao i obimni arheološki ostaci - hramovi, crkve i druge javne zgrade. Mješavina helenističkih arhitektonskih fasada sa tradicionalnim izrezbarenim u kamenu hramovima/grobnicama Nabatejaca - uključujući Trezor, grobnicu Urn, grobnicu Korintan i Deir ("manastir") - predstavlja jedinstveno umjetničko dostignuće i izuzetnu arhitektonsku cjelinu prvih vijekova prije. Raznovrsni arheološki ostaci i arhitektonski spomenici od prahistorije do srednjovjekovnog perioda nose izuzetno svjedočanstvo o sada izgubljenim civilizacijama koje su naslijeđivale jedna drugu na ovoj lokaciji. Trajanje izleta je 2 dana. Cijenu uljučuje: transferi, lokalni vodič i ulaznice prema planu i programu fakultativnog izleta.

Trajanje izleta: 2 dana

U cijenu su uljučeni: transferi, lokalni vodič i ulaznice

Fakultativni dvodnevni izlet u Wadi Rum pustinju

Cijena: **130,00** EUR

Wadi Rum se naziva I „Dolina Mjeseca“ baš zbog njenih nestvarnih pejzaža koji ne izgledaju baš ovozemaljski. Ova pustinja se nalazi nedaleko od granice sa Saudijskom Arabijom. U Wadi Rum-u se prožimaju i smjenjuju pejzaži poput uskih klanaca, prirodnih lukova pa sve do vrtoglavih litica, pustinjskog rastinja i pećina. Ponegdje je pijesak žut, negdje jarko narandžast a negdje je teren prekriven sitnim kamenjen. Sam naziv Wadi Rum u prevodu znači uzdiguta dolina, a najviša tačka u pustinji je planina Um Dami i visine je 1800 metara.

Trajanje izleta je 2 dana

U cijenu je uključeno: prevoz, lokalni vodič, ulaznice, prenoćište u kampu, večera i doručak.

U cijenu nisu uključeni individualni troškovi kao ni individualno iznajmljivanje džipa, kamile ili balona

Fakultativni izlet Akaba krstarenje

Cijena: **60,00** EUR

Dvosatno krstarenje zaljevom Crvenog mora između Jordana, Izraela, Egipta i Saudijske Arabije. Posjećujemo prvi svjetski podvodni vojni muzej, gdje se nalaze potopljeni brodovi, tenk i dvije letjelice. Ručamo na brodu.

Cijena uključuje: prevoz, lokalnog vodiča, krstarenje, ručak na brodu uz bezalkoholno piće.

Smeštaj

Amman Hotel ** / ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel 2*/3* je smeštajni objekat koji raspolaže 1/2 sobama u Ammanu. Sve sobe posjeduju T/WC. Usluga je na bazi noćenja sa doručkom (kontinentalni doručak). Imena hotela biće potvrđena po formiranju grupe, a najkasnije dvije nedjelje pred put.



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Wadi Musa Hotel ^{** /} _{***}

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel 2*/3* je smeštajni objekat koji raspolaže 1/2 sobama u Wadi Musi. Sve sobe posjeduju T/WC. Usluga je na bazi noćenja sa doručkom (kontinentalni doručak). Imena hotela biće potvrđena po formiranju grupe, a najkasnije dvije nedjelje pred put.

Wadi Rum Hotel ^{** /} _{***}

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel 2*/3* je smeštajni objekat koji raspolaže 1/2 sobama u Wadi Rumu. Sve sobe posjeduju T/WC. Usluga je na bazi noćenja sa doručkom (kontinentalni doručak). Imena hotela biće potvrđena po formiranju grupe, a najkasnije dvije nedjelje pred put.

Aqaba Hotel ^{** /} _{***}

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel 2*/3* je smeštajni objekat koji raspolaže 1/2 sobama u Aqabi. Sve sobe posjeduju T/WC. Usluga je na bazi noćenja sa doručkom (kontinentalni doručak). Imena hotela biće potvrđena po formiranju grupe, a najkasnije dvije nedjelje pred put.

Prevoz

Mesta

Sarajevo

Sarajevo je glavni i najveći grad Bosne i Hercegovine. Nalazi se na rijeci Miljacki, desnom pritoku Bosne, u istočnom dijelu sarajevsko-zeničke kotline. Sarajevo je najveći grad u Bosni i Hercegovini i istaknuti kulturni centar u Jugoistočnoj Europi. Grad je poznat po svojoj tradicionalnoj kulturnoj i vjernoj raznolikosti, sa pripadnicima islama, pravoslavlja, judaizma i katolicizma. Zbog svoje duge i bogate povijesti i pripadnosti, vjerskih i kulturnih raznolikosti, Sarajevo se ponekad naziva "Jeruzalem Europe".

Istanbul

Istanbul kroz historiju također poznat i kao Carigrad, Konstantinopolj ili Bizantium, najveći je grad u Turskoj, privredni, kulturni i historijski centar i jedan od najvažnijih gradova ove transkontinentalne države. Sa otprilike 12,56 miliona inostranih turista u 2015. godini, pet godina nakon što je proglašen za Evropsku prestonicu kulture, Istanbul predstavlja peti napsjećeniji grad na svijetu. Najveće turističke atrakcija grada su historijski centar, djelimično uvršten na UNESCOov spisak svjetske baštine, kulturni i zabavni centar koji se proteže uz gradsku prirodnu luku, Zlatni rog, u oblasti Beyoğlu i dr. Istanbul se smatra globalnim gradom kao i jedna od najbrže rastućih ekonomskih metropola na svijetu. Smješten na strateški važnom mjestu, nekadašnjem Putu svile.

Amman

Amman – glavni grad Kraljevine Jordan. U gradu živi nešto više od 4 miliona stanovnika i smatraju ga najliberalnijim gradom u arapskom svijetu. Broj turista je i dalje mali ali u posljednjim godinama se povećava. Bogato naslijeđe i duh istoka sve više privlače pažnju putnika širom svijeta.

Wadi Musa

Wadi Musa – mali grad na jugu Joradana, u blizini Petre. Interesantno mjesto, sa puno turista, koje je naziv dobilo po Mojsiju, koji je ovuda prošao i čudom stvorio izvor pijuće vode u pustinjskom kamenu.

Wadi Rum

Wadi Rum, poznato i kao Dolina mjeseca, je područje u južnom Jordanu, 60 km od Aqabe, u blizini granice sa Saudijskom Arabijom u kojem se nalaze različiti pustinjski predjeli s lepezom uskih kanjona, prirodnih lukova, vrtoglavih litica, klizišta i pećina. Petroglifi, natpisi i arheološki ostaci pronađeni na ovom području svedoče o 12.000 godina ljudske naseljenosti i međudjelovanju s prirodom.

Naziv Wadi Rum vjerovatno potiče od arapske riječi wadi (uadi) što znači "dolina" i aramejskog korjena rum, što znači "uzdignuta" ili "visoka". Najviša tačka je vrh Um Dami visok 1800 metara.

Posebno je vrijedno njegovih 25.000 rezbarija i 20.000 natpisa u stijenama zahvaljujući kojima se može pratiti evolucija ljudske misli i rani razvoj pisma. Ovaj lokalitet takođe svjedoči o evoluciji stočarskog, poljoprivrednog i urbanog života ljudi u ovom području. Zbog toga je Wadi Rum upisan na UNESCO-v spisak mjesta Svjetske baštine u Aziji i Australaziji 2011. godine, i to kao mješoviti lokalitet kulturne i prirodne Svjetske baštine.

Aqaba

Aqaba je grad na samom jugu Jordana, veliki grad i luka na obali Crvenog Mora. Pogodne temperature tokom čitave godine ali i burna historija kao i bogat morski živi svijet, od Aqabe načinili su jednu od najvažnijih turističkih destinacija u Jordanu. Na obali se nalazi jedna od najvećih i najviših zastava na svijetu koja se vidi iz susjednog Izraela ali i Egipta. Prvo naselje osnovano je na ovom području prije više od 6000 godina. Aqaba je nastala na teritoriji Saudijske Arabije koju je ova zemlja ustupila britanskom protektoratu Transordaniji 1925. godine.

Korisne informacije

Jordan

JORDAN

Opšti podaci: Bliskoistočna zemlja nevjerovatne i burne istorije i potpuno otvorenih i prijatnih ljudi. Graniči se sa Sirijom, Irakom, Saudijskom Arabijom i Izraelom. Pustinja, rijeke, planine pružaju se duž čitave zemlje, a u samom središtu nalazi se i gradu u kamenu – Petra, lokalitet zaštićen od strane UNESCO-a. Na teritoriji ove zemlje nalazi se i najslanije



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

jezero na svijetu – Mrtvo more.

Glavni grad: Aman

Površina: 89.342km²

Broj stanovnika: 10.2 miliona stanovnika

Stanovništvo: Arapi 98%, ostali 2%

Jezik: arapski i engleski

Vjeroispovijest: muslimani 97%, hrišćani 2%, ostali (budisti, hindusi, jevreji) 1%

Nezavisnost: 1946. godina

Valuta: jordanski dinar: 1 EUR=0.88 JOD; 1 USD= 0.71 JOD

Za potrošnju u Jordanu morate uvijek sa sobom imati lokalnu valutu.

Kreditne kartice i bankomati: Bankomati postoje ali se ne može osloniti na njih. Kartice ne možete koristiti uvijek i preporučuje se gotovinsko plaćanje. O pojedinostima posavjetujte se sa Vašom bankom i obavezno prijavite odlazak u inostranstvo, kako Vam kartice ne bi bile blokirane.

Vremenska zona: GMT +3

Viza: Državljanima Bosne i Hercegovine je potrebna viza za Jordan, a pribavlja se prilikom slijetanja na aerodrom u Amanu i košta 40 Jod (oko 56\$). Ponesite obavezno i dvije fotografije, ne starije od 6 mjeseci, na bijeloj pozadini, dimenzija 3.5 cm x 4.5 cm.

Klima: Klima u Jordanu je tipična pustinjska sa visokim dnevnim temperaturama i niskim noćnim. Temperature u toku dana se kreću između 20 i 32°C, dok noću mogu da padnu na 10-ak stepeni, tako da imajte to u vidu prilikom pakovanja.

Hrana i piće: Tradicionalna ishrana obuhvata piletinu, jagnjetinu na više načina, hljeb, salate i jela koja su karakteristična za Bliski Istok, primjera radi jela slična falafelu, humusu. Tu su i slatkiji sa slatkim sirom, baklave... Obavezno probajte čaj i kafu. Alkohol je poprilično skup. Takođe u većini restorana gdje se hrani muslimansko stanovništvo alkohola obično nema u ponudi. Voće perite flaširanom vodom ili oljuštite. Cijene hrane su pristupačne, što nije slučaj sa alkoholnim pićima.

Zdravlje: Za ulazak na teritoriju Jordana, zakonski nije potrebno da primete vakcine, ali se svakako konsultujte sa svojim ljekarom. Preporučuje se konzumiranje flaširane vode. Od lijekova sa sobom ponijeti lijekove za redovnu terapiju ako je imate, probiotik, lijekove za snižavanje temperature, protiv bolova, odnosno lijekove koje generalno nosite sa sobom na putovanje. Neophodno je da sa sobom ponesete i kremu za sućanje.

Osiguranje: Preporuka je da imate zdravstveno osiguranje.

Sigurnost, bezbjednost i pravila ponašanja: Gradovi i mjesta koja obilazimo na turi su relativno bezbjedna, ali svakako savjetujemo da budete oprezni i pažljivi kada su u pitanju vaše lične stvari (kao i u bilo kom evropskom ili nekom drugom gradu). Nemojte ići sami da šetate i istražujete, a u večernjim i noćnim satima savjetujemo da se ne odvajate od grupe. Nemojte ići u sjeverne dijelove Jordana, pogranične dijelove prema Siriji i Israelu. U svakom slučaju izbegavajte teme vezane za političku situaciju na pomenutom regionu, posebno razgovore o Izraelu. Vodite računa kad fotografirate, jer ukoliko želite da uslikate nekoga, morate obavezno pitati. Bakšiš i cjenkanje dio su tradicije.

Odjeća: Molimo Vas da obratite pažnju na način odjevanja. Šorcevi i suknje iznad koljena, kao i gola ramena i topovi sa dubokim dekolteom su zabranjeni prilikom posjete vjerskih objekata. Svedenije oblačenje koje važi za vjerske objekte važi i za svakodnevne šetnje. Dakle, birajte svedeniju garderobu, ali sa obzirom na to da se očekuju temperature između 20 i 30 stepeni, gdje je subjektivni osjećaj znatno veći gledajte da garderoba bude od laganijeg materijala. Obavezno ponesite i nešto dužih rukava i nogavica kada noću zahladni ali i za letove. Ponesite i udobniju obuću za istraživanje Petre kao i maramu (za pripadnice ženskog pola) koja će Vam biti od koristi prilikom šetanja po suncu ili prilikom posjete vjerskih objekata. Muškarci se ne mogu kretati bez majice.

Komunikacija: Naše mreže rade na teritoriji Jordana. Skoro svi smještaji, restorani ili kafici imaju wi-fi.

Struja: Što se tiče električne energije, napon je isti kao kod nas i nisu Vam potrebi adapteri za utičnice.

Suveniri: Od suvenira preporučujemo tradicionalnu odjeću i materijale, nakit, rukotvorine beduina, začine, čajeve, kafu, keramiku, proizvode sa Mrtvog mora, marame... Zabranjeno je iznositi školjke, korale i druge predmete iz prirode.

Važne napomene

Opšte napomene:

- Organizator putovanja je JUNGLE TRAVEL d.o.o Sarajevo sa licencom 07-02-22-9594/19.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu uslijed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPĆIM USLOVIMA PUTOVANJA JUNGLE TRAVEL-a.

- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladjeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevnom satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba
